



Ali Lokaj ponovo u Sudu BiH

RIBA JE TU, SAMO DONESI MAMAC

Lokaj i njegovi sagovornici u jednom trenutku tokom presretnutih razgovora koristili su lozinke, a u drugom bi otvoreno govorili o svojim poslovima. Tokom razgovora dogovarali su se oko isporuke i cijene droge

Dok odbrana Alija Lokaja, optuženog da je bio organizator grupe koja je švercovala drogu iz Makedonije, Srbije i sa Kosova u BiH, čeka odgovor Tužilaštva BiH da se Lokaju izrekne zatvorska kazna u rasponu od tri do šest godina, nastavljeno je preslušavanje presretnutih razgovora između optuženog, izvjesnog Ade iz Subotice, Nijazija Muharemića, Vidaka Milića i Vladislava Vasića.

Lozinke

I ovaj put Lokaj i njegovi sagovornici u jednom trenutku su koristili lozinke u razgovoru, a u drugom bi otvoreno govorili o svojim poslovima. Tokom razgovora vođenih 26. augusta 2014. godine Lokaj i izvjesni Ado, koji je naručilac narkotika od Lokaja, dogovarali su se oko isporuke i cijene droge, te je Ado zatražio da sa starim bude uredu, misleći pritom na Vidaka Milića (osuđen na osnovu sporazuma o priznanju krivice, op.a), koji je bio zadužen da kurira čamcem preveze preko granice u Srbiju. Isti dan Lokaj zove Milića i pita "ima li ribe tamo" (u Zvorničkom jezeru, op.a), na što mu Milić odgovara da ima, samo da donese mamac. Potom se dogovaraju da će kod Milića jesti ribu.

Narednog dana Lokaj je pozvao Adu i vjerovatno govoreći o kuririma koji transportuju drogu, rekao da su oni kod Suljevića, gdje su prenoćili. Lokaj je Adu podučavao da kad dođe to, uzmeš i staviš na sto da se osuši. "Uzmi malo, a ostalo neka se suši. Fino zdrobi, ona je jaka. Malo je vlažna, stavi da se suši i to je prva liga", govorio je Lokaj o robi koju je poslao Adi.

Istog dana Lokaj se čuo i sa Nijazijem i rekao mu da će doći po njega u društvu sa Jašarom Ajdanićem, za kojeg je pojašnjeno da je kao stručnjak korišten za miješanje droge i miks-mase. Robu je u golfu u Srbiju trebao prenijeti

Zoran Stjepanović, pojasnio je tužilac Oleg Čavka, naglasivši da su se spominjali transporti ribe vrijedni gotovo 3.000 maraka. Dodao je da se za taj novac može nabaviti tona ribe i upitao da li se tolika riba preko granice, neprijetno, može prenijeti u golfu. Pošto je optuženi spomenuo da će kod Milića jesti ribu, pripadnik SIPA Marko Vitković je dodao da je to mnogo ribe za pojedini...

Nakon što su policajci u Šapcu u Srbiji zaplijenili 550 grama heroina i miks-masu te uhapsili Lokajevog kurira Stjepanovića, Lokaj, Ado i Milić su odmah razmijenili informacije. Lokaj je popodne nazvao Vidaka i rekao:

"Ona riba od juče. Sve je povratio. Nije dobra, čuvaj se". Milić ga je pitao gdje se to desilo i dobio odgovor na drugoj strani. Iste večeri Milić je stopirao do Pala i nazvao Lokaja. Rekao mu je da je odsjeo u hotelu Dva goluba i da želi da se u Sarajevu vidi sa Lokajem. Vitković je pojasnio da je SIPA nadzirala Lokaja i da su zaključili da se nije susreo sa Milićem. Kao razlog, naveo je Lokajev strah da Milić nije viđen kako prelazi granicu...

Oleg Čavka pitao je da li je plaćeno Stevanoviću i dobio odgovor da mu je Ado uplatio pre-

ko Western Uniona.

Grupa

I pored ove zapljene, Lokaj i ostali su nastavili narkobiznis spominjući u šiframa kupovinu jastuka i bijele majice. U razgovorima od 12. novembra Lokaj je vrbovao Vladislava Vasića da za 500 eura u Srbiju prenese 680 grama heroina i smjese za miksanje.

Lokaj i ostali, te druge osobe

Grupa

kao što su Jašaraj Gani, Murat Hadergjonaj, Zoran Stefanović, Vladislav Vasić, Jugoslav Savić, Denis Jašić, izvjesni Ado i Nusko pripadali su grupi organizovanoj radi prenosa, držanja i posredovanja u daljoj međunarodnoj prodaji heroina i skanka. Tu drogu su iz Makedonije, Srbije i sa Kosova prenosili u BiH. Heroin iz Srbije, stoji u optužnici, miješali su sa drugim supstancama i prodavali u BiH i Srbiji, te najčešće koristili šifrovane termine koji su označavali vrstu, količinu i cijenu droge, kao i mjesto i vrijeme susreta radi preuzimanja i isplate za kupljene narkotike. Lokaj i ostali uhapšeni su sredinom decembra 2014. u akciji SIPA kodnog imena Oskar.

D. P.



Mehmedbašić čeka odgovor Tužilaštva

Page: 13

Reach: 0

Country: BOSNIA AND HERZEGOVINA

Size: 437 cm2

2 / 2



Milić osuđen na osnovu sporazuma o priznanju krivice